



Ислом Нури

Менинг туғишгандек қадрдон дўстим бор эди. Ўтган хафта бахтсиз ҳодиса – автоҳалокатда тўсатдан вафот этди. Аллоҳ гуноҳларини кечирсин, раҳматига олсин!

Лекин унинг муаммоси ҳал бўлмай қолиб кетди. Дўстим интернетни яхши биларди. Беҳаё саҳифаларни топиб, беҳаё суратларни йиғишни яхши кўрарди. Ҳатто ўзига веб-манзил очиб, унга ўша суратларни жойлаштирганди. Буни қарангки у бошқа ўзига ўхшаганларга беминнат хизмат ҳам ташкил қилган экан. Унинг веб-манзили бошқа бир қатор веб манзилларга аъзо экан. Ўша манзиллар янги-янги суратларни унга давомли жўнатишар экан. Дўстимнинг манзили эса автоматик равишда у суратларни ўз манзили аъзоларига жўнатади. Қарабсизки сон-саноксиз беминнат гуноҳлар ошнам ҳузурига йўл олмоқда. Қачон дейсизми? ЎЛИМИДАН КЕЙИН! Аксига олиб манзилнинг сирли калитини ҳеч ким билмайди.

Жаноза бошланишини кутиб ўтирарканман шуларни ўйлардим.

Тобутни кўтариб борарканман ўзимдан сўрардим: – Қабрга нима олиб кетябди? Беҳаё суратларними?

Қабри тепасига ҳам етиб келдик. Баъзилар уни қабрга тушираётганда, тупроқ тортаётганда кўз ёш тўкишди.

– Кўз ёшдан нима фойда? Унга нима қилиб бера оласизлар? Тириклигида қайда эдинглар? Уни тўғри йўлга чақирганмисизлар!? – дея ўйлардим.

Насихат қилганлардан бири мен. Қачон шу мавзунини очсам: – Қўй ошна, бу шунчаки бир шўхлик. Биласанку – ёшмиз. Ёшлик эса –



Ислом Нури

шўхлик. Бир неча йилда бунинг ҳаммаси унут бўлади. Хозир бошқа мавзуларда гаплашайлик!

Вафотидан бир икки кун ўтиб онаси телефон қилиб қолди.

– Болам! Дўстингдан хавотирдаман. Ғалати тушлар кўрябман. Бугун тушимдамиш.. унинг қабрига ёш-ёш йигитчалар кетма-кет келиб унинг қабрига сийишябди. Қўрқиб уйғониб кетдим. Таъбири нима экана билмайсанми болам?

– Хавотир олманг онажон, яхшиликдир, мен таъбир билмайман, бирортасидан сўраб берарман. Сиз хотиржам бўлинг!

Бечора онани тинчлантираман-у ичимни ит таталайди. Нима, билмайманми!? Туш таъбири аниқ. Бу ўша машъум манзилдан сурат келган ёшлар гуноҳ қилишябди. Уларнинг кетма-кет келиши эса бир – бирига жўнатганидан.

Унга яна яхшилик қилиш мақсадида веб-манзилни ижарага берган ташкилотга боғландим. Маълумотларни олишиб, ўша манзилга яна уч йиллик ижара тўлангани, агар манзилнинг сирли калити бўлмаса ҳеч нарса қилолмасликларини, ижара муддатини тугаши билан манзил ўз-ўзидан бекор бўлишини айтишди.

– Тушунсангларчи ахир, эгаси ўлган. У йўқ!

– Биз бошқа ёрдам бера олмаймиз!

Яна уч йил!!

Бунисига нима дейсиз!?



Ислом Нури

Ёмонлик калити бўлмасангчи нима қиласан бошқаларга ҳам тарқатиб!

Мана энди нима қилади?! Ҳар куни янги ва янги гуноҳлар.. манзили аъзоларидан, яна ўша аъзолар бошқа танишларига .. улар ҳам ваҳокозо.. узундан узоқ занжирлар. Бу занжирларга илинган гуноҳлар.

Мушфиқ Пайғамбаримиз Муҳаммад соллаллоҳу алайҳи ва саллам огоҳлантиришларига қулоқ солмасликнинг жазоси бу: «Кимки бир ёмонликка чақирса, у одамга ўша ёмонликка эргашган ҳар бир кишининг ёмонлигидан тўла бир улуш бориб туради. Аввалгиларнинг улушидан кейингиларга берилгани сабабли камайтирилмайди».

Дўстим ўлди. Лекин қиёмат кунда манзилдан тарқалган суратларга тушган ҳар бир назарга, сабаб бўлган ҳар бир бузуқликка, ҳар бир тарқатишга жавоб беради.

Эҳе, бу занжир қачонгача давом этар экан? Аллоҳ ўзи кечирсин!

□□□□□□ □□□□ □□□□ □□□□□□ ..

Менга Аллоҳнинг Ўзи кифоя У қандай яхши ҳомий.
